

漢書地理志稽疑

漢書地理志稽疑

漢書地理志稽疑刊本原起

班氏志地爲書止數十翻顧王迹旣遠地名迭經改易
劇乎故秦極于新莽卽斷代自漢又復郡國紛糅罷置
不恆自非淹貫全編融燭四表斤斤墨守馴致謬悠旣
莫究其本根遑敢加之繩削以史才之淵雅固地志所
權輿而一源十流從而聚訟者且婪如也卻後千六百
餘年浙東謝山全先生稽疑斯作互勘旁推折中衆說
通洞密至成一家言與直据故籍刺撮成書者迴別可
謂勤且力矣案先生鮎埼亭集有門下士董秉純所輯

年譜生平精力所萃凡三書曰七校水經注曰增修宋
儒學案曰困學紀聞三牋水經注近已版行頗聞困學
三牋亦有大力負而趨者學案則年譜著其目未知書
之存否若稽疑一種恰有寫本又爲年譜所不載在作
者似是酈學之緒餘然實爲履絢之碩記先生年纔逾
艾而逝且無子其自定文稿垂殉寄庋于揚州馬氏之
叢書樓身後藏書悉歸同邑盧氏著書滿家風流頓歇
嗟乎惜哉頃歲在昭陽余以文字之役再游山陰同客
有鄞友湯君錫隈名家邦者乃謝山再傳高弟時爲余

縷述四明文獻淵源一夕慨然發祕笈得是書其讀之
歎其精到中如鄆郡一條曩見歙志以鄆郡不在秦三
十六郡之數輒指郡字爲駁又以爲是地非郡卽咎及
裴駙劉昭亦漫無佐證蓄疑久之先生攷秦皇紀證諸
書秦置之誤据漢高紀定爲三郡之一進章昭說斷吳
王濞傳豫章皆鄆郡之譌著鑒誠陳洞然不惑一滴水
知大海味矣余恐展轉傳鈔寢滋譌脫爰乞得副墨勉
爲讎勘槩行而書其原起如此

嘉慶九年孟陬月啓蟄日歙後學朱文翰識于杏城家

塾

漢書地理志稽疑卷一

甬上全祖望著

志于禹貢職方詳矣秦雖閭位然實後世郡國之祖
而言之頗畧且多舛焉嗣是言三十六郡者無不展
轉錯出以王厚齋胡棟樞二先生之審慎而不能正
也近者顧宛溪之地學亦王胡之流也而沿譌如故
今參取顛末更審定之

秦三十六郡名

內史 漢之三輔及宏農

不在三十六郡內蓋以尊京師也前志續志晉志皆
誤以爲三十六郡之一

隴西 秦故封不知其置郡之年漢因之又分天水
北地 改義渠大荔諸戎地昭襄王置不知其年漢因
之又分安定

上郡 故魏置惠文王十年因之漢因之又分西河
西河魏故郡文侯以來卽有之秦省然魏之西河東
自焦虢桃林之塞西抵關洛其界最廣秦以其東界
并入內史而西界并入上郡漢人之分置者特其上

郡所屬之地耳東界則別置宏農宋白樂史曰漢分南陽河南二郡以爲宏農蓋卽內史東界而廣之

漢中 故楚置惠文王後十三年因之漢因之

蜀郡 故蜀國惠文王後十四年因之漢因之

水經注以爲二十七年蓋連前十三年數之

巴郡 故巴國惠文王後十四年置漢因之又分巴蜀漢中三郡地爲廣漢

右六郡皆秦境

邯鄲 始皇十九年置漢之趙國又分常山真定中山

信都

胡棟礪謂中山郡故趙所置案中山先入魏以李克爲守則固嘗爲魏置及入趙未聞其以郡稱故三十六郡亦無之

鉅鹿 始皇二十三年置漢因之又分清河渤海河閒廣平

置郡之年見水經注

太原 莊襄王四年置漢因之

上黨 故韓置後入趙莊襄王四年因之漢因之

雁門 故趙置始皇十九年因之漢因之又分太原雁門二郡地爲定襄

代郡 故代國後入趙置代郡始皇二十五年因之漢因之

雲中 故趙置始皇十三年因之漢因之

置郡之年見水經注

九原 始皇置漢之五原又分朔方

匈奴傳趙有雁門代郡雲中三郡以備胡而九原特雲中北界未置郡也始皇二十五年以前其于邊郡

多仍前之舊不聞增設三十三年蒙恬闢河南地四十餘縣蓋以此四十餘縣置九原何以知之徐廣所謂陽山在河北陰山在河南者劉昭以爲俱屬九原之安陽則九原統屬河南四十四縣可知矣不然不應以四十四縣之多而不置郡也然則九原不當在始皇二十六年所并三十六郡之內

右八郡皆趙境

河東 昭襄王二十一年置漢因之又分河內魏

胡櫟磻曰河東郡河內郡皆魏置不知其何所據不

可信

東郡 始皇五年置漢因之

碭郡 始皇二十二年置漢之梁國又分山陽濟陰陳

留

右三郡皆魏境

三川 莊襄王九年置漢之河南

王厚齋曰漢之河南及河內顧宛溪亦同然攷河內
在秦似屬河東故太史公序十八王曰魏分爲殷則
不屬三川矣

潁川 始皇十七年置漢因之

右二郡爲韓境而周境附入于三川酈道元謂秦滅周置三川非也

南郡 昭襄王二十九年置漢因之

其時韓亦有南郡秦本紀昭王四十四年攻韓南郡取之是也蓋與楚接境之地後殆并入

黔中 故楚置昭襄王三十年因之漢之武陵

前志闕案楚世家秦本紀六國年表皆載之不知何以班氏不及至續志始補入之攷國策及史記其時

楚尙有新城郡巫郡秦省新城蓋并入漢中省巫蓋
并入黔中水經注謂割黔中置武陵亦非也漢改其
名非割也

南陽 昭襄王三十五年置漢因之又分潁川南陽二
郡地爲汝南

其時韓亦有南陽郡蓋潁川之西如宛如穰與楚南
陽接故並取名焉六國年表秦本紀韓世家可攷也
非故晉所啓之南陽也晉之南陽趙得其溫原韓得
其州魏得其脩武卽河內也三晉同分河內之地而

魏獨多及韓趙相繼失上黨而河內道斷魏之脩武
亦不保矣是非可并晉楚之南陽而合之者也前志
乃曰韓分晉得南陽秦滅韓徙天下不軌之民于南
陽宛西通武關而入江淮一都會也則卽以爲楚南
陽矣不知河內之南陽其得名在春秋之世三晉分
之非韓所獨而始皇十六年所受之南陽地在宛穰
卽與楚境相犬牙者也奈何混而舉之秦并天下蓋
并韓地以入楚之南陽

案州者河內縣名今本地理志連下一字作州共舛誤矣

宛西通武關句上有大字作大宛則姑据今本地志刪之而入江淮句地志作東受江淮恐舛生所据別

有善本姑仍之 凡細注加
案字者翰所附識也後同

長沙 始皇二十五年置漢因之

楚郡 始皇二十四年置漢之楚國又分淮陽

前志續志晉志皆闕案胡棣礪曰三十六郡無楚郡
蓋滅楚時所暫置後分爲九江鄣會稽三郡謬矣始
皇二十四年置楚郡見楚世家次年置會稽郡見秦
本紀蓋錯舉而不備其實秦滅楚置五郡曰楚曰九
江曰泗水曰郢曰東海及定江南又置一郡曰會稽
而無鄣郡也楚郡蓋自淮陽以至彭城泗水則沛也